

LOU BRUSC

JOURNAU POUPULARI DE LITERATURO, D'ISTORI E DE SCIENCI

PAREISSÈNT TOUTEI LEI DIMENCHE

Depausitàri majourau pèr Marsiho : *A la Librairie des Bons Feuilletons*, 50, carriero de la Darso 50

Abounamen :

SÈT franc pèr an pèr touto la França.
Fouero França, lou port en subre, ço
que revèn à **DÈS fr.**

Tout ço que toco lou journau dèu
èstre manda afranqui à l'Empremarié
Prouvènçalo, 15, carriero d'ou Grand-
Relògi, à-z-Ais.

Les annonces, réclames et faits di-
vers sont reçus exclusivement à la
Société Anonyme de publicité, 52 rue
d'Aboukir, fermière de la publicité.

TAULETO

EI LEGÈIRE DÓU *Brusc*

PASSO-TÈMS. — Lei castagnaire - *Pèire Simoun*
Mazière.

POURSIÒ. — Leis òliveiris - *J. - B. Gaut.* — Lou
pas de l'ancié - *Marius Bourrelly.* — Prou-
vènço - *E. Jouveau.* — L'antic Carcassouno -
P. Gourdou.

REMEMBRANÇO. — Dóu 28 de novèmbre au 4 de
desèmbre. — *L. A. Gardaire.*

CROUNICO. — La Felibrejado de Fourcauquié.

FBIETOUN. — Pèire de Prouvènço e la bello Ma-
galouno.

BRUSC ET FEU FOLLET.

EI LEGÈIRE DOU BRUSC

D'aro-en-la, lou *Brusc* pareissera toutei
lei dimenche. Sian urous de reconeisse
ansin tout l'acuei que lou public a
bèn vougu faire à nouesto revisto e lou
gramacia à nouesto modo deis acou-
rajamen que nous soun vengu de pertout
e subretout de persouno que soun jugamen
fa lèi.

L'obro qu'aven entrepresso, va miés de-
veni l'obro de toutei car 52 numerò en
plaço de 26 nous dounaran l'aisanço de
faire plaço à de co-lauraire mai nombrous,
que venon cade jour vounvouna à la pouerto
d'ou *Brusc* e jugon dei couide pèr se faire
faire rasso. Venès, intras. li a plaço pèr
toutei dins noueste acamp. Abiho dòu

campèstre, abiho de la basso, abiho de
l'auturo, anas bousca lei flour de touto
meno que s'espandisson sus la terro
de Prouvènço, souto lei. rai de noueste
esblégissent soulèu. Venès coungreia de
bresco pèr assadoula lei devots ami de la
lengo, leis amaire de nouestei tradicien, de
nouesto istòri loucalo, de tout ço que de
tout tèms a marca noueste país subre tou-
tei leis autre. Lei Rouman, nouestei paire
valerous que se counèissien au bèu, avien
subre-nouma noueste país *provincia pro-
vinciarum*. Es d'aquí qu'a tira soun noum
de Prouvènço e a jamai fali au batisme que
lou pople-rèi li avié douna. Dins lei tèms de
trelus coumo de descasènço, dins lei jour
de soulèu o de tempèsto, la Prouvènço a tou-
jour esta à la tèsto de sei souarre e se
Diéu vòu, longtèms enca, toujours n'en sara
coumo acò pèr nouesto glóri e lou tre-
lus dóu noum bènasturga que pour-
tan.....

A l'obro e faguen pas menti nouesteis
àvi ! *Raço, racejo*. Daut ! canten, felibrejen
e que qu'arribe, siguèn digne dei siècle de
grandour e de prousperita que nous an fa
ço que sian. Venès, jouine, que vous assa-
jas ei lucho de l'esperit. Cantas e mandas-
nous vouestei cantadisso Amaire de la lengo
escrivés dins la lengo que vous a saluda à
vouesto vengudo dins lou mounde, vous a
bressa sus lou sen de vouestei maire. Adu-
sès-nous lei legendo de vouesteis endré,
digas-nous leis istòri de vouestei vilàgi ;
dounas-nous l'estiganço de ço que la scienci
a destousca dins vouestei encountrado. Li